

Ота-оналарга Қуръоний олти насиҳат

Image not found or type unknown



17:00 / 19.02.2022 3523

1. Болангизга насиҳат қилишдан чарчаманг...

Нуҳ алайҳиссалом ҳам ўғилларига 950 йил насиҳат қилди.

«Батаҳқиқ, Нуҳни ўз қавмига юбордик. Бас, у: «Эй қавмим, Аллоҳга ибодат қилинглар. Сизларга Ундан ўзга илоҳ йўқ. Албатта, мен сизларнинг буюк Куннинг азобига гирифтор бўлишингиздан қўрқаман», деди» (Аъроф сураси, 59-оят).

2. Фарзандларингизнинг баъзи хатолатини кўрмасликка олинг...

Яъқуб алайҳиссалом ўғиллари ёлғон гапириб турганини билса ҳам ҳеч нарса демади.

«Ва унинг ёлғон қонга бўялган кўйлагини келтирдилар. У: «Йўқ! Ҳавои нафсингиз сизга бирор ишни чиройли кўрсатибди. Энди ишим - чиройли сабр. Сиз васф қилаётган нарсада ёрдам сўраладиган Зот ёлғиз Аллоҳнинг Ўзи», деди» (Юсуф сураси, 18-оят).

3. Ўғлингиз йўқлигидан маҳзун бўлманг...

Нуҳ алайҳиссаломга ўғил синов бўлди. Шуъайб алайҳиссаломга қизлари раҳмат бўлди. Қизлари Мусо каби улул азм пайғамбарга аёл бўлиш шарафига эришди.

«Осмонлару ернинг подшоҳлиги Аллоҳникидир. У Зот хоҳлаган нарчасини яратур. У Зот хоҳлаган кишисига қизлар ҳадя этур ва хоҳлаган кишисига ўғиллар ҳадя этур» (Шуро сураси, 49-оят).

4. Тақво барча нарсанинг калити...

Иброҳим алайҳиссалом тақвосига муносиб тарзда Исмоил алайҳиссалом билан тақдирланди.

«Ўшанда улар унинг ҳузурига кириб: «Салом», дедилар. У: «Биз сизлардан қўрқмоқдамиз», деди. Улар: «Қўрқма, биз сенга билимдон ўғилнинг хушхабарини берамиз», дедилар» (Ҳижр сураси, 52-53-оятлар).

5. Она тарбиячидир...

Ҳазрати Марям ҳам Ийсо алайҳиссаломни бир ўзи тарбия қилди ва бу вазифани жуда гўзал тарзда амалга оширди.

«(Ийсо) деди: «Албатта, мен Аллоҳнинг бандасиман. У менга китоб берди ва мени набий қилди. Мени қаерда бўлсам ҳам, муборак қилди. Модомики, ҳаёт эканман, намоз ва закотни адо этмоқни тавсия қилди. Мени волидамга меҳрибон қилди, димоғдор, бадбахт қилмади» (Марям сураси, 30 - 32-оятлар).

6. Доимо дуо бўлинг...

«Роббимиз, Ўзинг бизга жуфти ҳалолларимиздан ва зурриётларимиздан кўзимиз қувонадиган нарса ҳадя эт ҳамда бизларни тақводорларга йўлбошчи эт» (Фурқон сураси, 74-оят).

Нозима Абдумалик қизи

«Ҳилол» журналининг 12(33) сонидан